

山西通志卷第一百三

山西巡撫都察院右副都御史臣覺羅石麟奏

旨修輯

人物三

太原府

魏

蘇軒太原人世名知人嘗稱清河崔元伯有王佐之才代所未有也苻堅亡元伯避難齊魯軒歎曰斯人而遇斯時不因扶搖之勢而與鸚雀飛沈豈不惜哉元伯後仕魏爲天部大人配饗太祖廟庭

余朱羽健其先居余朱川魏登國初羽健爲領人酋長率契吳武士從平晉陽定中山拜散騎常侍以居秀容川詔割

方三百里封之長爲世業子鬱德襲

薛提太原人皇始中補太學生拜侍御史累遷晉王丕衛兵將軍冀州刺史封太原公有政績徵拜侍中攝都曹事宗愛之變祕不發喪尙書左僕射蘭延侍中和延等議立長君徵秦王翰置祕室提曰皇孫有世嫡之重人望所係春秋雖少令聞聞於天下廢所宜立而更別求必有不可延等未決愛矯皇后令徵提等人殺之文成詔提弟浮子襲降侯

尔朱代勤鬱德子繼爲會長居秀容川代勤太武敬哀皇后舅數征伐有功給復百年除立義將軍曾圍山而獵部人射虎悞中其髀代勤令拔箭竟不推問曰此旣過悞何忍加罪部內咸感其德位肆州刺史封梁郡公以老致仕歲

賜帛百疋以爲常卒諡莊孝莊初追贈太師司徒公錄尚書事

王慧龍太原晉陽人晉尙書僕射愉孫散騎常侍緝子也幼聰慧愉以爲諸孫之龍故名焉宋武誅王氏慧龍年十四爲沙門僧彬所匿因將過江津人見其行意勿勿疑爲王氏子孫彬稱爲受業者乃免遂西上江陵依叔祖忱故吏荊州前治中從事習辟彊時刺史魏詠之卒辟彊與江陵令羅修前別駕劉朗公士人王騰等謀推慧龍爲盟主克日襲州城而後刺史劉道規至遂不果羅修等又與詣襄陽晉雍州刺史魯宗之送渡江遂奔後秦秦滅歸魏明元引見請効力南討言終流涕明元動容曰朕方渾一車書席卷吳會卿情計如此豈不能相資以衆乎然亦未之用

後拜洛城鎮將鎮金鋪會太武初卽位遂停前授初崔浩弟恬聞慧龍王氏子以女妻之浩見慧龍曰信王家兒也數向諸公稱其美司徒長孫嵩不悅久而不調後除樂安王範傳領并荆揚三州大中正慧龍抗表願得南垂自効崔浩固言之乃授南蠻校尉安南大將軍左長史及宋荊州刺史謝晦起兵江陵引慧龍爲援慧龍督司馬曹等一萬人拔其思陵戍進圍項城晦敗乃班師後宋王元謨寇滑臺詔假慧龍楚兵將軍與安頡等同討之相持五十餘日諸將以賊盛莫敢先慧龍設奇兵大破之賜劔馬錢帛授龍驤將軍賜爵長社侯拜榮陽太守仍領長史在任十年農戰竝修大著聲績招攜邊遠歸附者萬餘家號爲善政其後宋將到彥之檀道濟侵掠慧龍力戰屢摧其

鋒彥之與蕭斌書曰魯軌頑鈍馬楚粗狂亡人之中唯王
慧龍及韓延之可爲深憚不意儒生懦夫乃令老子訝之
宋文縱反簡云慧龍自以功高而位不至欲引寇入邊因
執司馬楚之以畔太武聞曰是齊人忌樂毅耳乃賜慧龍
璽書曰義隆畏將軍如虎欲相中害朕自知之風塵之言
想不足介意也宋復遣刺客呂元伯購慧龍首二百戶男
絹一千匹元伯爲反間求屏人有所論慧龍疑之使人探
其懷有尺刀慧龍曰各爲其主也吾不忍害此人左右皆
固諫慧龍曰死生有命彼亦安能害我遂捨之時人服其
寬恕慧龍自以遭難流離作祭伍子胥文以寄意生一男
一女遂絕房室布衣蔬食不參吉事舉動必以禮太子少
傅游雅曰慧龍古之遺孝也撰帝王制度十八篇號曰國

典真君元年拜使持節寧南將軍虎牢鎮都副將未至鎮而卒謂功曹鄭暉曰吾誓願鞭屍吳市戮墳江陰有心莫遂乞葬河內州縣東鄉庶其魂而有知猶希結草之報詔特許之贈安南將軍荊州刺史諡穆侯吏將吏共於墓起佛寺圖慧龍及僧彬像而讚之呂元伯感全宥之恩留守墓側終身不去

王寶興慧龍子少孤事母至孝尚書盧遐妻崔浩女也初寶興母及遐妻俱孕浩曰汝等可指腹爲親及婚浩爲撰儀躬自監視曰此家禮事宜盡其美及浩被誅盧遐後妻寶興從母也緣坐沒官賜度斤鎮高車滑骨寶興盡賣貨產自出塞贖之以歸州辟治中從事別駕舉秀才皆不就閉門不交人事襲爵長社侯爲龍驤將軍卒

王叡字洛誠自云太原晉陽人六世祖橫張軌叅軍因居姑臧父橋字法生解天文卜筮凉州平入京以術自給歷位侍御中散卒贈平遠將軍凉州刺史顯菱侯謚敬叡少傳父業而姿容偉麗景穆見而奇之興安初擢爲太卜中散稍遷令領太史承明元年文明太后臨朝超遷給事中俄爲散騎常侍侍中吏部尙書賜爵太原公太和二年孝文及文明太后率百僚與諸方客臨獸園有猛獸逸登門閭道幾至御坐左右侍衛皆驚靡叡獨執戟禦之猛獸乃退故親任轉重三年春詔與東陽王丕同入八議永受復除四年遷尙書令進中山王加鎮東大將軍置王官二十二人中書侍郎鄭羲爲傅中郎令以下皆當時名流又拜叡妻丁氏爲妃沙門法秀潛謀多所牽引叡曰與殺不辜寧

赦有罪宜梟斬首惡餘從原赦不亦善乎從之得免者千餘人及疾太后與孝文每親視侍官省問相望於道卒太后與孝文親臨哀慟賜溫明祕器贈衛大將軍太宰并州牧諡宣立祀都南置守祀五家又詔褒揚叡圖其捍猛獸狀於諸殿叡旣貴乃言家本太原晉陽遂移屬焉故其兄弟封爵多以并州郡縣後重贈叡父橋侍中征西將軍左光祿大夫儀同三司武威王諡定追策叡母賈氏爲妃子襲字元孫叡卒代領都曹爲尙書令領吏部曹後襲王例降公出爲并州刺史降號一等卒贈豫州刺史諡質

王凝字安壽太原晉陽人中山王叡弟亮子也除奉朝請稍遷中散大夫以疾歸鄉里遂移居上黨年七十一卒

王瓊字世珍孝文以寶興子賜名襲祖爵太和九年爲典寺

令十六年降伯帝納其長女爲嬪拜前將軍并州大中正
正始中爲光州刺史中尉王顯劾受納獲雪神龜中除光
將軍兗州刺史歸京居司空劉騰宅西騰并鄰宅唯瓊終
不肖與以此久見屈抑孝昌三年除鎮東將軍金紫光祿
大夫中書令卒贈征北將軍中書監并州刺史自慧龍入
國三世一身至瓊始有四子

余朱新興代勤子太和中繼爲酋長畜牧蕃息色別爲羣谷
量之朝廷每有征討輒獻私馬備資糧助裨軍用孝文嘉
之及遷洛特聽冬朝京師夏歸部落位散騎常侍平北將
軍秀容第一領人酋長新興每春秋二時恆與妻子閱畜
牧於川澤射獵自娛明帝時以年老啓求傳爵於子榮卒
諡簡孝莊初贈太師相國西河郡王

王琚本太原人居高平高祖始晉豫州刺史琚被刑入宮禁
小心守節累遷禮部尙書賜爵廣平公孝文以琚公正授
散騎常侍歷冀州刺史假廣平王進高平王孝文文明太
后東巡冀州親幸其家以年老拜散騎常侍歸前後賜車
馬衣物甚衆例降公扶老自平城遷洛邑常飲牛乳色如
處子卒年九十贈冀州刺史諡靖

郭祚字季祐太原晉陽人魏車騎將軍淮弟亮之後也祖逸
并州別駕前後以二女妻司徒崔浩一女妻浩弟上黨太
守恬太武時拜徐州刺史假榆次侯贈光祿大夫父洪之
緣坐浩事祚少孤貧鄉人莫之識有女巫相祚後當富貴
祚涉歷經史習崔浩書工尺牘文章弱冠爲州主簿刺史
孫小委之書記又太原太守王希彥逸妻姪也共相賙卹

乃振孝文初舉秀才對策上第拜中書博士轉中書侍郎
李冲薦之遷尙書左丞長兼給事黃門侍郎清勤在公夙
夜匪懈帝甚賞之從南征還正黃門以贊遷洛賜爵東光
子孝文幸華林園觀故景陽山祚曰山以仁靜水以智流
願陛下修之帝曰朕何爲襲魏明祚曰高山仰止帝曰得
非景行之謂遷散騎常侍仍領黃門與黃門宋弁參謀帷
幄隨其才用各有委寄祚承稟注疏特成勤劇嘗夕飲清
徽後園孝文舉觴賜祚及崔光曰郭祚憂勤庶事獨不欺
我崔光溫良博物朝之儒秀不勸此兩人當勸誰也李彪
遷散騎常侍帝謂祚曰朕昨誤授一人官祚對曰豈容聖
詔一行而有差異及彪啓上帝歎謂祚曰卿之忠諫李彪
正辭使朕遲回不能復決遂不換李彪官也從南討兼侍

中拜尚書進爵爲伯寧武初兼吏部尚書尋除長兼吏部
尚書并州大中正時詔姦吏逃刑兄弟代之祚奏曰若以
姦吏逃竄徙其兄弟罪人妻子復應徙之此則一人之罪
禍傾二室臣謂罪人旣逃止徙妻子走者之身懸名永配
於青不免姦遂自塞從之尋正吏部持身潔清重惜官位
銓授必徘徊久之下筆卽云此人便已貴矣量才稱職時
以此歸之出爲使持節鎮北將軍瀛州刺史轉鎮東將軍
青州刺史逢歲飢多所賑恤士女懷其德澤入爲侍中金
紫光祿大夫并州大中正遷尚書右僕射與侍中黃門參
議刊正新令故事令僕中丞騶唱入宮門至於馬道祚以
爲非盡敬之宜言於帝納之騶唱不入宮自此始也詔領
太子少師祚奏曰謹案前後考格雖班天下如臣愚短猶

有未悟今須定職人遷轉由狀超越階級者卽須量折景
明初考格五年者得一階半正始中故尙書中山王英奏
考格被旨但可正滿三周爲限不得計殘年之勤又去年
中以前二制不同奏請裁決旨云黜陟之體自依舊來恆
斷今未審舊來之旨爲從景明之斷爲從正始爲限景明
考法東西省文武閑官悉爲三等考同任事而前尙書盧
昶奏上等之人三年轉半階今之考格復分爲九等參差
無準又奏言考察令公清獨著德績超倫而無負殿者爲
上上一殿爲上中二殿爲上下累計八殿品降至九未審
今諸曹府寺凡考在事公清然才非獨著績行稱務而德
非超倫幹能粗可而守平堪任或人用小劣處官濟事并
全無負殿之徒爲依何第景明三年以來至今十有一載

準限而判三應升退今旣通考未審爲十年之中通其殿最積以爲第隨前後年斷各自除其善惡而爲升降且負注之章數成殿爲差此條以寡愆爲最多戾爲殿未審取何行是寡愆何坐爲多戾結累品次復有幾等諸文案失衷應杖十者爲一負罪依律次過隨負記十年之中三經肆眚赦前之罪不問輕重皆蒙宥免或爲御史所彈案驗未周遇赦復任者未審記殿得除否詔胥詳答之其審愼銓衡若此尋加散騎常侍詔營明堂國學祚奏曰今雲羅西舉開納岷蜀戎旗東指鎮靖淮荆漢沔之間復須防捍徵兵發衆所在殷廣邊郊多壘烽驛未息不可於師旅之際興板築之工且獻歲云暨東作將始臣愚謂宜待豐靖之年因子來之力不時而就從之宣武每賞賚祚多至百

餘萬又特賜劒杖恩寵甚深遷

左僕射梁將康絢遏淮將

灌揚徐祚表曰蕭衍狂狡擅斷

川瀆役苦人勞危亡已兆

宜勅揚州選一猛將遣當州之

兵令赴浮山表裏夾攻從

之除使持節散騎常侍都督雍

州刺史征西將軍時領軍

于忠恃寵驕恣祚心惡之遣子太尉從事中郎景尙說高

陽王雍令出忠爲州忠聞而大怒矯詔殺祚祚達於政事

凡所經履咸爲稱職每有決斷多爲故事名器旣重時望

亦深一朝非罪見害遠近莫不惋惜靈太后臨朝使弔慰

追復伯爵正光中贈使持節車騎將軍儀同三司雍州刺

史謚文貞子景尙字思和涉歷書傳曉星歷占候爲彭城

王中軍府參軍遷員外郎司徒主簿太尉從事中郎公強

當世善事貴要世號郭尖遷中書侍郎未拜卒弟慶禮通

直郎子元貞武定末定州驃騎府長史

王椿字元壽叡次子正始中拜太原太守免椿僮僕千餘園宅華廣聲伎自適無乏於時雅有巧思凡所營製可爲後法徵爲將作大匠固辭孝昌中尙朱榮表椿慰勞汾胡汾胡與椿北州服其聲望所至降下復授太原太守以預立莊帝功封遼陽縣子改正定永熙中除瀛州刺史性嚴察下不容奸吏人畏之天平末還鄉時人士輻湊霸朝椿禮敬親知多所拯接卒贈尙書左僕射太尉公冀州刺史諡文恭齊神武親送其葬兄孫叔明嗣

王廣業祁人遵業弟性沈雅涉歷書傳位太尉祭酒遷屬卒於大中大夫贈徐州刺史子又有儀望以幹用見稱卒於南鉅鹿太守贈齊州刺史廣業弟延業博學多聞頗有才